



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Item de Antichristo. xciii.

**urn:nbn:de:hbz:466:1-10722**

*Ex dictis  
eiusdem.*

**S**icut fasciculi lignorum ad combustionē similibus col-  
ligantur: ita in iudicii die similis culpæ reos suis simili-  
bus iungere, ut ex æquo pœna constingat quasi in fascicu-  
lum, quos actio similes fecit in malum. Sicut unusquisque  
sanctus in futuro iudicio pro quantitate virtutum glori-  
ficabitur, ita & unusquisque impius pro quantitate facino-  
rum cōdemnabitur. Nec deerit in supplicio futurus dam-  
nationis ordo. Sed iuxta qualitatem criminum, discretio  
erit pœnarum, propheta firmante: De charorū quoq; suo-  
rum suppliciis, additur etiam pœna defunctis. Sicut apud  
inferos diuiti sermo prædicat euangelicus: sic pro augen-  
do Iudæ supplicio, dicit etiam Psalmus. Cōmoti mouean-  
tur filii eius, & mendicent. Impii ex hoc durius in iudicio  
puniendi sunt mentis dolore, ex quo visuri sunt iustos glo-  
riæ beatitudinem meruisse. Cunctis videntibus est præci-  
pitandus diabolus, quando sub aspectu omnium bonorum  
angelorum hominum, cum eis qui de patre eius erant, igne  
æterno mittendus est, dum sublatu fuerit diabolus ut dā-  
netur: multi electi qui in corpore sunt inueniendi domi-  
no ad iudicium veniente, metu concutiendi sunt, viden-  
tes tali sententia impium esse punitum, quo terrore pur-  
gandi sunt: quia si quid eis ex corpore adhuc peccati re-  
manserit, metu ipso quod diabolus damnari conspiciū,  
purgabuntur. Hinc est quod ait Iob: Cū sublatu fuerit,  
timebunt angeli, & exterriti purgabuntur. Multos posse  
perire ex eis in die iudicii, qui nunc electi esse videntur &  
sancti. Docente propheta: Vocauit dominus iudicium ad  
ignem, & deuorabit abyssum multam, & comedet partem  
domus. Pars quippe domus deuorabitur: quia illos etiam  
infernus absorbebit, qui nūc se in præceptis cœlestib; glo-  
riantur. De quibus & dominus dicit: Multi dicent mihi in  
illa die: Domine domine, nōne in nomine tuo propheta-  
uimus? In nomine tuo demonia eiecimus? virtutes multas  
fecimus? Tunc confitebor illis, quia nunquam noui vos:  
Discedite à me qui opera mini iniquitatē, nescio qui estis.

*Ex dictis  
eiusdem.*

**O**mnis qui secundum professionis suæ normam, aut nō  
viuit, aut aliter docet, Antichristus est. Pleriq; autem  
sunt, qui Antichristi tempora non visuri sunt, & tamen in



membris Antichristi inueniendi sunt. Antequā veniat Antichristus, multa membra eius præcesserūt, & prauæ actionis meritò caput propriū præuenerūt, secundum Apostoli sententiam, qui iam iniquitatis mysteriū operari illū affirmat, etiam antequam reueletur. Magnitudo signorū faciet sub Antichristo, vt electi, si fieri potest, in errorē mittātur. Sed si electi: quomodo sunt in errorē mittendi? Ergo ibūt in errorē titubationis ad modicum pro multitudine prodigiorum: nō tamen deiiciendi sunt ab stabilitate sua, terrorum impulsu, atq; signorū. Vnde & ideo ponitur, si fieri potest: quia electi perire non possunt, sed citò resipiscētes cordis errorem religione coërceant: scientes prædictum à domino esse, vt dum hoc fecerint aduersarii, nō conturbentur sancti. Iam mira facturus est prodigia, & signa, dū venerit Antichristus: vt etiā electis quoddā cordis gignatur scrupulū, quod tam citò exuperet in illis ratio, pro qua scient in deceptione reproborū, & electorum probatione eadē fieri signa, in quo tēpore per patientiā gloriosi erunt sancti, nō per miracula, sicut sancti martyres fuerūt priores: illi enim & persecutores sustinuerunt, & faciētes prodigia. Proinde & durius bellū sustinebunt: quia non solum contra persequētes, sed etiā contra miraculis coruscantes dimicaturi sunt. Grauius sub Antichristi temporib⁹ cōtra Ecclesiam deseruiet synagoga. quā in ipso aduētū saluatoris Christianos esset persecuta. Dum in martyres diabolus iam exercuerit magnā crudelitatem etiam ligarus: crudelior tamē erit sub Antichristi temporibus, quādo etiam erit soluendus. Nam si tanta ligatus facere potuit, quanta solutus faciet? Quāto propinquius finem mūdi diabolus videt, tantò crudeli⁹ persecutiones exercet. Vt quia se cōtinuò damnandum conspicit, socios sibi multiplicet, cum quibus gehennæ ignis addicatur. Quāto breue tempus videt diabolus sibi restare, vt dānetur, tantò in magna persecutionis ira mouetur, diuina iustitia permittente, vt glorificetur iusti, sordidentur iniqui: & vt diabolo durior crescat damnationis sententia.

*Quod ante diem iudicij, etiam electi casuri sint in aduentu Antichristi. Cap. XCIII.*

*Grego. in*

**I**NDIEBUS eius stupebunt nouissimi, & primos in- *suis mora*  
uadet horror. Tanta enim tūc cōtra iustos iniquitate *lib⁹ dicit.*

TT ii